

OMUKWETU





1

Ontokolwa onti-7 yepangelongerki lyeti-27.1.1970 ndjoka ya li yaa na oohapu manga, Epangelongerki lya tula mo oohapu sho lya tokola nolya langeke omusita Elia Nghikembwa, ngoka a mana eilongo lye kuRepublika yaS.A. a kale omusita gwego-ngalo Onguediva okutameka eti-1.4.1970.

2

Epangelongerki sho lya koneke, kutya ope na aakwanegongalo yamwe mboka taa dhiginine natango omagongalo gawo, nonando kaye li we moongamba dhago aatonateli yitayingerki otaa dhimbuluthwa momatalelopo gawo ya pukulule aakwanegongalo mboka, ya tembukile ngaa megongalo ndyoka li li popepi opo ya yakulwe pethimbo.

3

Werner Kanhalelo, Omundaungilo, a uthwa kEpangelongerki a ye koskola yuusita kOtjimbingwe 1970.

4

Epangelongerki lya taamba nenyanyu etseyitho lyomukuluntu gwoskola yetu yokOshigambo, kutya aalongwa 28 mboka ya nyolele ekonakono lyoJuniolo (ST.VIII) 1969 ayehe oya piti nawa, etata olya pitile mongundu I netata ekwawo omongundu II. Aalongwa 7 mboka ya nyolele ekonakono lyaMatrika omumvo 1969, 6 yomuyo ya piti mekonakono.

5

Epangelongerki otali pandula ehwamo lyaagundjuka mOngerki ayihe sho ya tokola okutunga okangulu kehistoli lyoshilongatumo kOnankali, mOndonga, pantokolwa yoshigongi shawo omumvo 1969 mOlukonda. Epangelongerki otali tegamene neinekelo etsakanitho lyetokolo ndika.

Tu yeni ko kuye twa zeni moontanda

Ngoka itaa pumwa ehiyo ndika ita mono wo eso lyajesus ye ite li uvu ko oshoka pondje yohole yuuyuni nohokwe yawo opo Jesus okwa dhipagelwa. Eha Golgata, eha li tilitha noli nyanyalitha, ihe mpoka onkombambinzi ya mono eha okukungulukila po.

Oya tondoka koombinzi dhoyendji ya dhipagelwa po notayi tondoka natango pamwe nodhayamwe ye ekelwahi pamwe naye. Osha li omalwa niihuna oku shi tala noku shi dhiladhila, ihe ngoka a hala oku shi itaala na ze tango moontanda mokati kaantu nomomauyagelo gawo.

Moongundu otatu mbembelekwa nuupu nomokati kaantu otatu mono ompito yeipwililiko. Konima yoongundu dhaantu otatu itu omukumo gwopombambo nokwiidhimbitha, ihe okuthiga po ayihe mbika nokuya pondje yayo, otatu tompwa komeho gajesus sho te tu tala nolukeno, nokiilalo ye sho tamu ziya ombinzi omolwetu.

O, shalongo kwa li ehala ndyoka Golgata mpoka oheli ya sindika naampoka omunandjo, ngashi ngo ye nangame, otatu dbiminwa po adhihe. Eha mpoka omapangulo agehe nomatamaneko otaga mwenaga, taga tegelele eutho lyombinzi yaKristus yi tu uthile.

KuGolgata oku shi okuyiwa kutse aakaanetegameno lyelago lyaaluhe, opo tu lombwelwe, "Nena ndjika to ka kala pamwe nangame muParadisa." Tu ye ko ano twa za moontanda. Hebr. 13:13.

DHA LONDOKA IHADHI YI IITA

Tu londokeni aakwetu kohapu ndjika ya tumbulwa kOmukulili mwene sho a lombwele aalongwa ye a ti: "Kamu dhi lwete adhihe ndhoka, oshili itapu thigala nando emanya lya tentekwa kekawo inaalili kumunwa po." Osho a popi ngaaka esiku lyahugunina. Omukwetu oho ipula ngaa nohapu ndjoka yaJesus. Olwindji miifo yaSuidwester ohatu kundana mo onkundana dhiita nomalugodhi omnene nomakakamo gomavi, niikumithalonga yi ili noyi ili, ngaashi naanaa Jesus a li ta popi ehulilo lyuuyuni. Mat. 24:1-ff.

Mbika ayihe otayi tetekele, opo



"Tala, otatu yeni kujerusalem nOmuna gwOmuntu otaka gandjwa miikaha yaasaseli aakuluntu naanongoramata, oyo notaye mu pe oondjo dhokusa." Aalongwa noye eta okasino kujesus noya yalele oonguwo dhawo kombanda yako, oye nokwa kuutumba ko. Oyendji oya yala oonguwo dhawo mondjila, nooyakwawo iifo iitalala, yi igidha noya ti: "Hosiana, nalalekwe nuuyamba, nguka te ya medhina lyOmuwa."

ihe taku ya ehulilo, naangoka ti iidhidhimike sigo ehulilo oye ta hupithwa. Ihe uuyuni sho u li po wa yona ngeyi otse nangoye otatu adhika twa tya ngiini? Tatu aadhika tuu twi ilongekidha? Omuwambo oha ti: "Oshivanawa ihashi zi pokapala ka yela". Ano tu kndjeni nokugalikana.

Itula Deogenes Nakasole

Efano kombanda:

Oye okwa kutha oshikwiila, kwe shi laleke nuuyamba nokwe shi pambula, te shi ya pe e ta ti: Taambeni, lyeni, shika olutu lwandje." Nokwa kutha oshitenga, okwa hambelele nokwe shi ya pe nokwa ti: "Nweni mo amuhe, oshoka ogo ombinzi yandje, ombinzi yehangano tayi tilwahi omlwoyendji okudhima po oondjo.

JESUS KOMUSHIYAKANO

Joh.19:16-30

Efimbo linya Owayuda ova li tava pangelwa kOvaroma, Jesus eshi a kwatwa ove mu twala komutokoli edina laye Pilatus, oo eshi a pwilikina Jesus okwe mu tokola ngashi sha wapalela Owayuda. Onghee a yandja Jesus a valelwe komushiyakano.

Ovavaleli vaJesus komushiyakano ova li ve shi uditeko nawa momitima davo kutya, oshilonga shomunasareti ou ve shi xulifapo sheke. Inava shiiva kutya, Kalunga a longekida nale ondjila momushiyakano ngashi tave shi tale movakwaita vaPilatus, eshi tava longo osho sha nyolwa kovaxunganeke yayapuki.

Ovakwaita eshi va valela Jesus komushiyakano ova kufa oikutu yaye nde tave i tukula embinga nhee, "Oikutu yange otave i kufa ndele e tave i tukulile keshe ombinga yaye, oshikutu shokoshi otave shi umbile oshihoololifo kutya, otashi ningi sha lyelye."

Omanyolo taa ti: "Omishangwa opo di wanifwe nokutya, Jesus ota ende nondjila e i shi nale fimbo e li meulu nokuli. Jesus ina fiapo ashike ina, okwe mu fiila omuhongwa ou a tala ote mu diinine."

Oinima aishe ei ya longwa komushiyakano otai ti: "Oinyolwa iyapuki opo i wanifwe ngashi ya wanifwa shili."

Jesus eshi a shiiva kutya, aishe ya wanifwa kokutya, "A findana" okwa tya "Osha wanifwa sha pwa." Omwenyo waye okwe u yandja ye mwene meke laXe. Eemwenyo dovaitaveli vaJesus odi li meke laKalunga. Kol.3.3.

Oilonga aishe ya ningwa momahepeko otashi ti: "U itavele omishangwa osho mwa ningilwa u xupifwe."

V. Kaulinge

E tu fiya po, aya keumbo

Meekulu Julia Kustaa, omukulukadi wanakufya Ev. Josafat Kustaa okwa xulifa oweenda waye eti-14.2.1970. Okwa kala muLuderitz eedula 35, omudiinini weongalo fiyo omoukulupe.

Omushamane waye okwa xulifile 28.3.1965. Ova fiya po ovana 6, ovatekulu 48 ovalumenhu novakainhu, novatekulululwa 31 ovalumenhu novakainhu. Ovanelao ava tava kondjo fiyo hauxuuninwa. J.Ndimwedi

Oye nokwi ikutha muyo okakako ke thike pedhadhigo lyemanya, nokwa tsu oongolo nokwi ihata pevi nokwa galikana okathimbo nokwa ti: "Tate, ayihe oto yi vulu, kutha ndje oshitenga shika, ihe ha ngashika ngame nda hala, aawe, ongashi ngoye wa hala."



Nokwa shuna ko lutiya li kehala lyegalikano, nokwa galikana a ti: "Tate, oshitenga shika ngele itashi wapa okupitilila ndje po inaandi shi nwa, ano ehalo lyoye nali gwanithwe." Sho kwa galuka ko nokwe ya kaalongwa ye okwa adha ishewe ya kotha oshoka oya li ya vulwa shili.

Judas nongundu ye sho ya hedha kuJesus, Jesus okwe mu popitha nokwa ti: "Kuume, owi ile po shike mpaka?" Noponkatu yahuginina Judas okwa kala ngaa kuume kaJesus. Jesus Oye kuume ketu.



Ano Jesus sho kwa li a tseya ashithe shono tashi mu adha, okwa yi a ka tsakaneke ongundu yaakwati ye nokwe ya pula: "Olye ngo tamu mu kongo?" Oyo ya ti: "Jesus Omunasaret." Jesus okwa ti kuyo: "Ongame ngu, ihe ngele ongame tamu kongo, etheni mbaka ya ye. Opo ohapu ndjoka e yi tile yi tse: "Ongame inandi kanitha nando ogumwe gwaambaka we ya pa ndje." Mbalambala Judas okwe ya kuye nokwe mu kundu nokwe mu thipi komilungu.



Ekondombolo manga inaali iga lwaali ongoye oto idhimbi-ke ndje lutatu.

Ihe aakalele naatumwa ya adhika ya tema meni lyegumbo omulilo, oshoka kwa li ku na uotalala. Na Petrus wo okwa thikama nayo ta huhulukwa, ye a mone nkene tashi ningwa. Ano gumwe gwoma adhike yomusaseli omukuluntu e ya po, nokwa tala Petrus nokwa ti: "Nangoye owa li pamwe na Jesus, Omugalilea." Ihe oye okwi idhimbike montaneho yaayehe nokwa ti: "Aawe, kandi mu shi ngoka." Muuyanda omukiintu gumwe okwa lombwele aantu ta ti: "Naanguka wo okwa li pamwe na Jesus, Omunasareta." Petrus okwi idhimbike nokugana a ti: "Oshili omulumentu nguka kandi mu shi. Sho e shi ningi olutitatu, ekondombolo nolyi igi, oye nokwa dhimbulukwa oohapu dha Jesus.



Pilatus okwa ti kuyo: "Mu kutheni, ne mu mu alele, oshoka ngame kandi lwete ko oondjo muye."

Yamwe ya thikama noye mu lundile ya ti: Otse twe mu uvu sho kwa ti: "Ongame tandi kumuna po otempeli ndjika ya tungwa niikaha, nomomasiku gatatu otandi tungu onkwawo inaayi tungwa niikaha." Ihe nando ongaaka, ehokololo lyawo inali tsa kumwe.



Tala uuwehame mbu, Omuwa e na molwoye ngu. Owa tula oondjo dhokusa, omukeenandjo sho ta hepekwa.

Oyo ayehe oye mu pe oondjo dhokusa. Naalumentu mboka ya takamitha Jesus oye mu sheke, ye mu dhenge noongonyo, noye mu siikile oshipala she, yamwe noye mu dhenge omalupi noye mu pula: "Hunganeka, oye ngo e ku dhenge?" Nomasheko omakwawo ogendji. Oshigongi ashihe osha thikama, noya manga Jesus noye mu fala kongulu yepangelo lyoshilongo, noye mu gandja miikaha ya Pilatus, omuleli gwoshilongo.



Omutwe wa tya eehonde noipute, u na omakiya a twa. Woo omutwe ou wohamba wa shundulwa

Ndelenee vo ove mu valela komushiakano, nde tava tukaula oikutu yaye moku i nyanekelela nokutya olye-lye ou te i pewa. Kombada yomutwe waye va mbabangela ko eshangelo letimba laye: Ou Jesus Omunasaret Ohamba yOvayuuda (INRI)



Pekota lyomushigakano, omute-nge gwandje nde eta. Oonyata dhoondjo dhima po, nomwenyo gwandje theta

“Otandi ka holama peni?”

“Ando ndi kale nda za moshilongo shika, ando tandi mono ehala palwe mpoka tandi ka iimonena iilonga iwanawa notandi ka kala ndi na ombili!”

Opu na oyendji ya hala okuza pomahala gawo ngashi milongo yawo, momikunda nomomagumbo nokuli. Omaudhigu noothina tadhya tokolitha nokutumbula ngeyi

“Opu na tuu ompito nondjila ompu ndjoka tandi vulu okulongitha, opo ndi thige po ehala ndika?”

Eeno, oshipulela okuthiga po uadhigu nuukolokoshi nonkalo ayihe yaa na ombili mokukalamwenyo kwoye. Otatu ku kwatha nomukalo nguka:

Inda pekota lyomushigakano, kundathaneni nOmuwa gwoye nokumu hokololela ashihe we shi ninga, inaashi opala koshipala she. Indila edhimopo lyoondjo meifupipiko lyashili. Pula Ombepo Ondjapuki oye a ninge omuwiliki nomweendithi gwoye esiku kehe.

Uuna wa udhithwa kOmbepo yOmuwa oto ka vula wo okuyakula yakweni mboka taa keme komayehamo guuyuni mbuka.

“Omuwa okoonkondo dhOmbepo yoye to vulikitha noto ningi ndje oshilongitho shomeke lyoye moku ku longela.”



Jesus ta humbata omushigakano

Ndele Pilatus eshi a hala okuninga ehalo lovanhu, okwe va magululila Barabas nokudengifa Jesus, nde te mu yandje a ka valelwe komushiakano. Opo nee ongudu eshi ye mu sheka, ove mu dula oshikutu shitilyaana, nde tave mu dike oikutu yaye mwene. Ove mu pitifa mo nde tave mu twala oku ke mu valela. Konhele yedina Golgata, tashi ti: Onhele yomitwe.

Oshilonga shopamhepo mokati kovanyasha mOushimba 1969

Osha fa kutya omaluhepo o e lili noku lili okwa tana pefimbo eli, nomolwashi ohatu hange paife ovamati vahapu novashamane omu mOushimba. Hano omuvalu wavo otatu tana.

Omudo 1969, ovanyasha okwa li va xwama mokwoongala moyoongalele yavo. Aveshe kumwe ova li po 955. Oudinini waaveshe ovo tau monika yo mokwoongelela oikefa yavo, nova fiyafana ngaha:

Luderitz	R 161.55.
Swakopmund	161.06.
Outjo	59.19.
Okahandja	45.00.
Windhoek-stad	43.54.
Walvisbaai	40.00.
Grootfontein	34.19.
Gobabis	21.00.
Otavi	11.90.
Otjiwarongo	8.66.
Klein Windhoek	5.40.
Bergaukas	3.57.

Kumwe R595.46

Ovafindani ovo ngo Ovaliindili ngashi tashi holoka momuvalu wavo.

Koyoongalele aishe mOushimba

Eshi tu li momudo wehambelelo, otwa faneka apa tashi dulika meekomboni domoilando nomoilando yoovene, ile meemina omo mu na oyoongalele yovashamane novamati, mu totwe yo eengudu omolwoshilonga shetumo muAngola.

Otu na ovamwatate ovo va dja kwinya va pumbwa evangeli la yela. Hano ngenge tava ongelwa mokangudu kavu omo tava hongwa oukriste, eshi tava shuna kwinya otava twaalele ouyelele.

Otwa shakana novanhu ovo va dja oko nde va holola omhumbwe ya tya ngaha. Kwafa hano opo u li. Onye mwa pewa evangeli oshali, yandjeni yo oshali. Jesus ta ti: "Onde ku pa omwenyo oshali, ove oto penge shike?" Natu ilikaneneni hano oshilonga shetumo noivilo aishe oyo tai ka ningwa mOngerki yetweni.

Natango ohai weda ko ngaha kutya: Konghenda yOmwene wetu Kristus, ei nde i mona, ohandi twaalele hano omakundo eni kumemengerki kuSoomi pehovelu laApilili.

Jesus Oye onghela nonena nofiyo alushe.

Omufita wovanyasha mOushimba L. Gerson Max

Malakia

Tate Malakia, tu kwafa u tu hokololele oshilonga shoye shouyevangeliste kutya tetetete owe shi longa naanaa peni nonaini?

Omushamane Malakia okwa dallelwa mOukwanyama moupaani, meongalo Engela. Omudo 1942-1943 okwa djoina oita, tete muTsumeb, opo konima a ya fiyo Transvaal. Mokwaaluka kwaye moita omo, Omhepo yaKalunga oye mu kwata nde divadiva 1944 okwa hovela ofikola yovamati mEngela omo a kala mo eedula mbali. Okwa twikila fiyo omofikola youyevangeliste 1946-1947.

Omushamane Malakia ove na onunona 11, ovamati vane noukadona vaheyali. Ovo aveshe tate, memeneumbo alishe ohatu li halele enangeko noupuna laKalunga eshi ta-

va hovele vali oilonga yavo moshihakulilo mEngela, mOukwanyama. Tete onda tumwa koNkure-Nkuru, mOkavango, pefimbo omufitaongalo Alfeus Kangai a xulifa oweenda waye. Ondaenda unene momikunda dovapaani. Omushashwa wotete molweendo eli oye Saul, nde mu kufa momukunda Sawato, nde hatu i naye kongulu, nde ta shashwa. Oko e li fiyo onena, ina shuna monima.

Ovakwaneongalo meongalo eli eshi va uda edina eli: "omuweevangeliste" ka kwali ve udite ko. Inave li uda nale. Vamwe ova ti omweevangeliste otashi ti omunhu a longwa, a longwa e dule ovafita vetu ava ngashi ooMatias Shikondomboro. Akushe oko nda enda onda pwilikinwa nawa.



G. Max

Oku na osho sha li sha kuma eemwenyo dovakwaneongalo ava osho okweenda momaumbo avo. Ngenge nda enda meumbo limwe omushiinda ota teelee yo omweenda. Nge nda xulile meumbo limwe omushiinda ota teelee nge mongula, ile pomafiku oo.

Omafiku amwe ohandi ipyakidile okulonga oilonga yomake pongulu, okuyakula ovatumwa. Onda li unene nda fimaneka Ovakavango, osheshi onda li nda tumwa medina

lavo, shi dule Ovawambo ovo ve li ko. Omutenya nda talela po omaumbo Ovakavango, oufiku opo hai talele po omaumbo Ovawambo.

Efiku nda dja ko eongalo ola anya ndi dje ko.

Modula 1950 eshi nda fika mOwambo onda tumwa kuKongo kovayeleele. Ovayeleele ka kwa li va ongala poima pamwe, ove lihanena noikango. Onde va konga moikango ei. Okudja meumbo lomwevangeliste Salomo Hashipala oto piti mOnamatadiva, mOnkongo, Epangwe, Hamakanga, Otyamatye, Enyana, Onaimbundu, Umbudiva,

Oshishogolo, Oshisho noshu tuu. Eshi nda shuna keumbo, onda twaalele Ovayeleele vavali fiyo okEngela, okutalwa kovatumwa.

Omudo 1956 onda tumwa kuWelwitschia sha amha langhele kwinya kOutjo. Oku na eefalama omayovi, noixupe, omo mu na Ovawambo ovalifi veedi. Omunafalama umwe okwa twala nge komushiinda nokambashikela kange moshihauto shaye. Naako otwa mona ko ovaxupifwa vaKristus. Oshilonga eshi osha xwameka yo ovatilyane. Omudamara umwe popepi nefuta mofuka okwa pula nge kutya, okwa hala okwiindila ndelene ota indile ngahelipi?

Modula 1959 onda tumwa kovenduka, oshilando shinene. Omo nda kanifila mo eenghono dange adishe, okukonga eemwenyo doshiwana shange. Namo yo otwe limonena mo ovaxupifwa medina lomwene. Omudo 1964 onda tumwa kuLuderitz oko evangeli la likola ko eenghwatwe ovaxupifwa. Modula 1966 nda tumwa vali kuTsumeb, konima eshi nda shanga ekonakono loutheologi mOtjimbingwe. Omwene okwa xwameka omhepo yange nda mona vali omhito yokwendaenda neefalama, omo Omwene okwe li likolela mo ovaxupifwa vaye.

O U N Y U N I O T A U T O N G O S H I K E

Afrika

Afrika: olya tengenekwa kutya omu na aakali mo 3,030,000,000, mepandja lyevi lithike poombinemaila 11,500,000, notamu longithwa o-malaka ge vule 800 kaage uvitathane.

Oshilongo shi vule ayihe muAfrika muunene osho Soedan, shi na oombinemaila 952,000, naashoka shi vulike kwayihe oGambie, shi na oombinemaila 4,000. Shoka shi na aantu oyendji oNigeria, shi na omiliyona 56, naa shoka shi na aantu aashonalela oSpaanse Sahara ye thike 48,000.

Omulonga gu vule adhihe muAfrika oNiili, gu na oomaila 4,157, nomufupilela ogwaOranje gu na oomaila 1,300.

Edhina Afrika otali tengenekwa kutya olya longithwa lwotango muLibia konima yoomvula 800 Kristus inaa valwa. Oshitopolwa oshinene shevi lyaAfrika osho shoka shi li muupyu.

Shika osha tseyithwa kuAfrika Instituut, muPretoria.

Omahooli ga monika muIsrael Ashdod, - Israel okwi itsa ngashingeyi oshitopolwa shevi lyomahooli popepi nefuta lyopokati (Middellandse see) patseyitho lyehangano lyomahooli lyaAmerika.

Omboola yokukonga omahooli ngaka oya ya mevi ashike uule wo mpadhi 15,000, nokwa tengenekwa kutya, ngele omahooli ngaka taga ka monika Israel oye ta ka kala tsuu miipindi yomahooli muuyuni, patseyitho lyomufulimevi omusamane Simon Cohen.

Lilungamena

Omweendi mukwetu wokolupadi, kotoka okukala mondjila yoishingomwa. Unene oshiponga oshi li apa; ove ku shii po shanee, oto tyafula ashike u li mondjila yoishingomwa, to ti mbela ke wete nge, mbela ita kanduka ngaho. Momadiladilo aa, mboli ombiliki yoshihauto onghela ya li mo, ile omushingi a nhuka mo omwenyo, oshiteelinga ya teka.

Nena ngenge owa hangika mondjila, owe u lafa ngaa vali, ino ya mbela konakupila komukunda waNdingonya? Kotoka okukala kwa tya ngaha, opo u kale nomwenyo woye, u kale nolutu inali teyaulwa. Dja mondjila ya tya ngaha, enda mondjila yokolupadi, kala nelongelokumwe novashingi.

F.S.Kamongwa

limangeleke

Omufuudhe gumwe okwa adhika e endjelela momuti pofaalama yimwe Driehoek, moshikandjo shaMariental. Nakusa nguka ina dhimbululwa natango. Oshifo Die Suidwes Afrikaner sha hokolola.

Ya kwatwa nokawe

Awambo yane oya kwatwa nokawe o-masiku ngaka sho ya adhika ye ke ka fula kOlange. Pahokololo lyomupolisi mOvenduka, mbaka oya adhika nokawe koo R 649, 548. 00, nogwo omwaaalu omunene gu vule gwiipotha ayihe yokawe ya pangulwa muSuid-Afrika.

Mpoka ya li ye ka holeka, oshoka aniwa ayehe ohaa longo shito kOlange, sho pwa konakonwa opwa adhika okawe kondilo yooRanda dhi vule etata lyomiliyona.

Omutoto gumwe otagu ti kutya; Aawambo yaali yomuyo oya zile mOwambo nokupitila mOliindili nokuya kOlange nelalakano ndyoka. Sigo ompoka inaa pangulwa manga, oku na iinima yimwe tayi konakonwa natango.

NATANGO OTAA SI

Kairo: Aantu 70 oya si muEgipiti no 90 oya ehamekwa nayi sho Israel u umbu oshikuti shokuhana-gula (bom) kombanda yofabilika yitenda ndjoka yi li ashike oomaila 20 okuza moshilando shepangelo lyaEgipiti Kairo. Moshe Dayan, oministeli yepopilo lyoshilongo sha-Israel oya ti kutya, yo otaa tsikile ashike nomukalo nguka sigo Egipiti she mu thiminike a zimine oonkundathana dhokupaathana ombili niita yi mwenekwe.

Rhodesia lya ninga oRepublika

Epangelo lyaSalisbury, Rhodesia, ndyoka li ikuthile epangelo koonkondo momake ga-Engiland, mewiliko lyoministeli yoshilongo Ian Smith, olya ningi oRepublika omwedhi nguka.

Shika osha geyitha Uuyuni naEngiland okwi indile iigwana ayihe yi teye ekwathano lyayo naRhodesia. Amerika oye gwo-tango a gwanitha eindilo ndika. Iigwana 10 ayike yi na natango uukumwe noRepublika ompe yaRhodesia, mbyoka yimwe yomuyo:

Suid-Afrika, Italia, Portugal naNdowishiland lyokuuninginino. Iigwana ya hangana pamwe niilongo yaAfrika mbyoka ya manguluka, otayi ningi natango oonkundathana nkene taa hulitha po oRepublika ndjika.

Ehogololo lyo lyene otali ka ningwa eti-10 lyaApilili nuumvo. Omupresidende oye Clifford Dupont.

Kali na omufindo

Mungandu laShiweda laLiindili, le likola po Omuputu umwe efiku 10.2.1970, a wila momeva manga tava ende oufiku nombautu yavo tava yuka oko hava ka kwata omakolofishi, mboli umwe a konyoka mo nale, vo otava nduduma ashike tava i, noku heshii sha. Ove ke mu yongola va ya kokule ve ke mu pendula ngeno vati a teleke, osheshi okwa li kuki, ye vati okwa li nee e lidenga mo neenghono, opo a kale a vaakala.

AAVU YA ENDITHWA

Ombelewa yiyenditho mOshakati oya yalula oomaila adhihe dha longithwa meyakulo lyaavu odha aadha sigo 230,182. Iiyenditho ohayi longitha oomaila 12 mongalona yimwe yopenzina. Omalweendo ngaka ogo ngoka ga longithwa mOwambo amuke. Kalunga na hambelwe sho inaaku holoka nando oshiponga sigo oompoka.

F. Moongo

NAKUVALA TI IYAMBELE OKAMWANA

Omukulukadhi Rosa Marineli, gwoomvula 74, okwi idhipaga sho a li a hala okugandja oshipa she shoombafu dhomeho kokamwana.

Okamati Carlo, multalia, oka kala taka ehama oonkotameno dhomeho sigo eho limwe lya tsika mo. Ekwawo sho lya nkundipala ishewe oondohotola oya ti kutya otali kwathwa ashike ngele taku monika oshipa shi ili shoombafu. Omukulukadhi sho a si, etando olya ningwa nolye ende nawa, nokamati otaka mono nawa ngashingeyi.



Abdul Nasser gwaEgipiti

ELONGO LYAAKOKELE

Omumvo 1969 opwa dhimbululwa oskola yaamati ya koka inayi mona aalongwa ya gwana, onke ya li ya mwenekwa yi tegelele omumvo 1970. Sho pwa holoka ishewe omaindilo gamwegamwe ashike, naaindili inaa gwana ongundu, nena Epangelongerki olya mweneke oskola ndjoka nuumvo, ihe otali tegelele aamati ya koka ya longithe ompito ndjika momumvo 1971, ihe ngele inapa monika aalongwa ya gwana, nena Epangelongerki otali ka pata oskola ndjika.

U hakana iho kuta - oshihauto otashi eta po uuyamba

Aawambo yonale oya kwatwa ke-fuu lyokulanda uukambe wo tau thikile tau si. Okakambe kamwe akeke nkoka ka yi moongombe odhindjidhindji, ngashingeyi omushila aguke gwa thigala po.

Opu na shili iinima yimwe iiwanawa tayi ningwa kuyakwetu tu shi oku yi holela, ihe nashi tsikile ngaa nokiihauto? Oyendji mo-shigwana shAawambo oya hepeke omaliko gawo mokulanda iihauto yo inaa dhiladhila nawa kutya omolwa shike, na uunake ye na okulanda iihauto, na iihauto ya tya ngiri ye na okulanda. Omuntu kehe okwa li e na okwiipula nomapulo ngaka.

Landa oshihauto uuna u na iimaliwa ya gwana. Landa oshihauto pampumbwe yoshilonga shoye tashi ku thiminike iilonga yoye u yi gwanithe. Ngele momatompelo ngaka ku na mo limwe, ihe omolwa shoka ashike na Nima okwa landa oshihauto, nena etha, ino landa.

Oyendji ya mona omahauto, omakulu taga landwa R 400.00 lwaampoka, dho odho adhike dha aadhika mondjato ye. Nenge oshihauto otashi pula R 600.00, ye omuntu oku na ashike R 300.00, nena ota gwedha ko kepuko lye sho ta landa oshihauto kee na iimaliwa yasho, mokulya ongunga pamwe R 300.00, opo a gwanithe oshihauto she. Mbuka uudhigu to iikongele.

Olwindji sha ningwa pamikalo ndhoka nda tumbula, naa shoka sha landula ko oshike? Omuntu ngoka oshihauto ote ende owala nasho omasiku gamwegamwe notashi lala. Ngele omuntu ina kutha ko iitenda ooshimwe nooshimwe a ka landithe, nena oshihauto tashi thikama ethimbo ele sha tegelela omuntu a ze kOlange e ye a yumudhe po oshikwakwa she. Gumwe tashi vulika natango a tsikile okulya oongunga nodhokupangelitha.

Iihuna shili aanegumbo sho ye na okusa ondjala noluhepo pamukalo nguka gwomaholela omawinayi. Oyendji oya yi nokuli oonyala miigandhi ya kuthe mo iilya ye yi tule miimaliwa, opo ya pangelithe iihauto yawo. Omuntu ta kongo uumbangoloti noluhepo talu iiyendele sho ta landa po iikulya ye noyaanegumbo lye mushoka itaashi mu etele nando osha.

Omuntu oku na okulanda oshihauto sha tya ngiini?

Osha yela kutya hamuntu kehe ta vulu okutseya kutya, oshihauto osha tya ngiini, nenge hamuntu kehe ta vulu okulanda oshihauto oshipe. Oyendji ya kotokelwa nayi kAatiligane mboka taa landitha iihauto. Omuntu ote shi aadha sha paindwa nawa ondomo, tashi adhima tashi ti kayikayi kombanda. Okuza mpoka omuntu ota landa oshihauto ina pula nando ngoka

e na owino miihauto. Nguka omukalo inaagu yela mokulanda iihauto, nomolwasho iihauto oyindji nomOwambo omo ngaa inaayi thika, sho sha teka nale.

Shika itashi ti ando kutya, aantu ayehe ya lande iihauto iipe ayike, aawe. Osha yela kutya, haayehe taa vulu okulanda oshihauto oshipe, ihe oku na iihauto ya longa nale yi shi okulongithwa natango ethimbo ele, shaa tu omuntu ta ende pamukalo omwaanawa, oshoka nomukulugwonale okwa tile: "U hakana iho kuta." Kundathana naamboka ye na owino dhiihauto opo ye ku pe oondunge manga ino landa, opo waa hepithe iimaliwa yoye.

Nongele nani esimano wa hala, onawa nge to itungile egumbo ewanawa moka aanegumbo lyoye taa mono omuzile notaa kala yu uvite uugumbo. Oshihauto otashi ku tokeke owala to, shaa tu we shi landa molwefuu, ngoye inoo shi iilongekidhila nawa.

Lengalenga mooha dhiitauwa momigongo, poontu dhomagumbo nopuukamba, oto mono nkene oshigwana sha hepeka omaliko gasho. Yamwe taa dhiladhila kutya, okulanda oshihauto otashi eta po uuyamba washa. Hasho nande. Oshihauto tashi kutha po owala shoka sha li po, notashi ku thigulula manga u na omwenyo.

Dhiladhila lutatu manga inoo tokola okulanda oshihauto, opo wa kii pe ombedhi konima ngaashi sha holoka olwindji nokuli.

Frans A. Iihuhwa



Okukala neliko nokumona ondjila ombwanawa yelikolo, mbika iinima tayi pula oondunge dha yela nomadhiladhilo ga gundjila nenge oonkondo dhopalutu. Oluhepo lwaambika ayihe olwo ondjala yoshigwana.

OMUKWETU

Oshifo shOngerki onkwaevangeli paLuther yomOwambokavango
Die Tydskrif van die Evangeliese Lutherse
Ovambokavangokerk
Oha zi mOniipa.
Omukuluntu gwoshifo/Hoofredakteur Omubisofi Dr. Leonard Auala,
Amushanga/redakteur S.Ekandjo
Ondando komumvo mOwambo 70c kUushimba nOkavango 90c
Kombanda yomafuta R1.30.
Oondando nomambestelo naga tumwe kOmukwetu,
Oniipa, P/B. 2015 Ondangwa, S.W.A.
Oshinyolwa shuule

wondeimi	1	otashi futilwa	R1.00
oondeimi	2	" " "	R1.90
oondeimi	3	" " "	R2.70
oondeimi	4	" " "	R3.40
oondeimi	5	" " "	R5.00

Oto vulu okutuma efano lyaashoka wa hala shi tseyithwe nomatumbulo wo gasha ngele ope na.

The Finnish Mission Press Oniipa
P/B 2015 Ondangwa S. W. A.